

Uunga siunnersuut:**Tusagassiorfinnut tapiissuteqartarneq pillugu Inatsisartut inatsisaata
allanngortinnissaa pillugu Inatsisartut inatsisaat**
(Tusagassiuutilerisut digitaliusunut tapiissuteqartarneq)**§ 1**

Namminersorlutik Oqartussat nalunaarutaat nr. 63, 24. september 2025-meersoq naapertorlugu tusagassiorfinnut tapiissuteqartarneq pillugu Inatsisartut inatsisaanni makku allanngortinneqarput:

1. § 1 ima oqaasertalerneqassaaq:

” **§ 1.** Naalakkersuisut aningaasanut inatsimmi aningaasaliissutit aalajangersarneqartut iluini tamannalu pillugu nuna tamakkerlugu nutaarsiassanik tusagassiorfinnut ukiumoortumik ingerlatsinermut tapiissutit aqutigalugit tusagassiorfinnut tapiissuteqarsinnaapput, tassanilu paasissutissat inuiaqatigiinnut tunngassutillit, tamat oqartussaaqataaneranni oqallinnerit tusagassioruunermilu tamatigoortuusoqarnissaanut ingerlatitseqqittarnerup siuarsaaffiginissaa siunertaavoq.

Imm. 2. Ingerlatsinermut tapiissutit imatut paasineqassapput ingerlaavartumik ingerlatsinermi aningaasartuutitut, tassunga ilanngullugit sulisunut ininullu aningaasartuutitut, nalinginnaasumik aallakaatitassiornermut tapiissutit.

Imm. 3. Imm. 1 naapertorlugu nutaarsiassanik tusagassiorfittut isigineqarput aviisit, saqqummersitat aviisinut assingusinnaasut, sulisunut saqqummersitat kiisalu nutaarsiassanik tusagassiorfiit allat attaveqartarfiit digitaliusut, soorlu internet, oqarasuaat angallattagaq, tabletsit allallu, aqutigalugit kalaallinut tusarnaartartunut ingerlateqqinneqartartut.

Imm. 4. Tusagassiorfinnut tapiissutit Radiukkut tv-kkullu aallakaatitsisarneq pillugu Inatsisartut Inatsisaannut ilaasunut tusagassiorfinnut tapiissutigineqarneq ajorput.”

2. § 2 ima oqaasertalerneqassaaq:

” **§ 2.** Nutaarsiassanik tusagassiorfinnut namminersortunut arlaannaannulluunniit atassuteqanngitsunut, imarisanik kalaallinut atuartartunut aqqissuisartunut taamaallaat tapiissuteqartoqarsinnaavoq.

Imm. 2. Nutaarsiassanik tusagassiorfittut namminersortutut isigineqassaaq:

- 1) namminerisaminik aqqissuisutut pisortaqarpat,
- 2) namminerisaminik saqqummersitanik imaluunniit atuisunik nalunaarsuisinnaappat, aamma
- 3) tusagassiuut immikkut pisartagaasinnaappat.

Imm. 3. Tusagassiorfik arlaannaannulluunniit attuumassuteqanngitsutut isigineqassanngilaq:

- 1) Pisortani oqartussanit, suliffeqarfinnit imaluunniit ingerlatseqatigiiffinit pisortanit aningaasalersorneqartunit assigisaannilluunniit tamakkiisumik ilaannakortumilluunniit pigineqarpat imaluunniit
- 2) tusagassiorfiup minnerpaamik affaa sulisitsisunit, sulisartunit, inuussutissarsiorlut

soqutigisaqaqatigiilluunniit kattuffiannit pigineqarpat, matumani ilanngullugit politikikkut partiit."

3. § 16, imm. 1, nr. 7, imatut oqaasertalerneqassaaq:

"7) tusagassiuut minnerpaamik qaammammut ataasiarluni nuna tamakkerlugu saqqummertassaaq, imaluunniit internetikkut tusagassiuut matumani pineqarsimappat ullut tamaasa nutarterneqartassalluni."

§ 2

Inatsisartut inatsisaat ullormi 1. januar 2027 atuutilissaaq.

Namminersorlutik Oqartussat, ulloq xx. xx 2026

Naalakkersuisut Siulittaasuat